

Հաստատված է

ԳՊՀ գիտական խորհրդի 2022թ.

դեկտեմբերի 24-ի թիվ 13 նիստում

Ռեկտոր Ռ. Հակոբյան

«24» դեկտեմբեր 2022թ.



**ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆԻ
ՈՒՍԱՆՈՂՆԵՐԻ ՊՐԱԿՏԻԿԱՆԵՐԻ ԱՆՏՀԱՅՄԱՆ
ԿԱՐԳ**

I. ԸՆԴՀԱՆՈՒՐ ԴՐՈՒՅԹՆԵՐ

1. Գավառի պետական համալսարանի բակալավրիատի և մագիստրատուրայի ուսանողների պրակտիկաների անցկացման կարգի (այսուհետ՝ Կարգ) նորմատիվ իրավական հիմքերն են բարձրագույն կրթության ոլորտը կարգավորող օրենսդրական ակտերը, Գավառի պետական համալսարանի (այսուհետ՝ համալսարան) կանոնադրությունը և այլ իրավական ակտեր:

2. Կարգի դրույթները վերաբերում են առկա և հեռակա ուսուցման ֆակուլտետներում բակալավրիատի և մագիստրատուրայի կրթական ծրագրերով նախատեսված պրակտիկաների բոլոր տեսակներին:

3. Կարգը սահմանում է պրակտիկաների կազմակերպման, անցկացման և գնահատման սկզբունքները, նպատակները, խնդիրները, գործընթացի մասնակիցների իրավունքները և պարտականությունները, պրակտիկաների արդյունքների ամփոփման և գնահատման կարգը:

4. Կարգը կարող է լրացվել և փոփոխվել համալսարանի գիտական խորհրդի որոշմամբ:

II. ՊՐԱԿՏԻԿԱՅԻ ՀԻՄՆԱԿԱՆ ՆՊԱՏԱԿՆԵՐՆ ՈՒ ԽՆԴԻՐՆԵՐԸ

5. Պրակտիկան կրթական գործընթացի պարտադիր բաղադրիչ է՝ ուղղված ուսումնառության ընթացքում ուսանողի ձեռք բերած տեսական և գործնական գիտելիքների, կարողությունների և հմտությունների զարգացմանը:

6. Պրակտիկայի կազմակերպման և անցկացման նպատակներն են՝

- 1) տվյալ մասնագիտության շրջանակներում մասնագիտական գործնական գիտելիքների, կարողությունների և հմտությունների ձևավորումն ու ամրապնդումը,
- 2) ստացած գիտելիքների հիման վրա աշխատանքային կարողությունների ձևավորումը,
- 3) համապատասխան մասնագիտությամբ աշխատելու համար անհրաժեշտ ունակությունների ձեռքբերումը,
- 4) պրակտիկայի արդյունքների օգտագործումը ավարտական աշխատանքի, մագիստրոսական թեզի պատրաստման համար:

7. Պրակտիկայի հիմնական խնդիրներն են՝

- 1) մասնագիտական կրթական ծրագրում ներառված դասընթացների գործնական բաղադրիչի խորացված ուսումնասիրությունը,
- 2) ընտրած մասնագիտության կիրառական հիմունքներին և առանձնահատկություններին տիրապետումը:

8. Պրակտիկան կարող է անցկացվել ինչպես համալսարանում, այնպես էլ համալսարանից դուրս՝ պայմանավորված մասնագիտական կրթական ծրագրի մեջ ներառված առարկաների առանձնահատկություններով:

III. ՊՐԱԿՏԻԿԱՅԻ ՏԵՍԱԿՆԵՐԸ

9. Համալսարանը ուսանողների համար կազմակերպում է ուսումնական, մանկավարժական, արտադրական, նախաավարտական, գիտամանկավարժական, գիտահետազոտական պրակտիկաներ.

1) ուսումնական պրակտիկան միտված է ուսանողների տեսական գիտելիքների ամրապնդմանը, գործնական կարողությունների և հմտությունների ձեռքբերմանը,

2) արտադրական պրակտիկան միտված է իրական գործընթացներում, արտադրության մեջ մասնագիտական կրթական ծրագրում ներառված դասընթացներից ուսանողների ստացած գիտելիքների փորձարկմանն ու ամրապնդմանը, մասնագիտական աշխատանքի համար անհրաժեշտ գործնական կարողությունների և հմտությունների զարգացմանը,

3) մանկավարժական պրակտիկան ուղղված է ուսանողների՝ որպես ապագա ուսուցիչների մոտ աշակերտների հետ աշխատելու կարողությունների ձևավորմանը, մանկավարժական փորձառության ձեռքբերմանը և փորձուսուցմանը,

4) նախաավարտական պրակտիկան ուղղված է ավարտական աշխատանքի ուսումնասիրության առարկայի հետազոտության իրականացմանը և պաշտպանության նախապատրաստմանը: Նախաավարտական պրակտիկան կազմակերպվում է ըստ ուսումնական պլանում նշված ժամկետների՝ ուսումնառության վերջնական փուլում: Նախաավարտական պրակտիկայի անցկացման վայրը որոշվում է մասնագիտական ամբիոնում՝ ըստ մասնագիտության առանձնահատկության,

5) գիտամանկավարժական պրակտիկան կազմակերպվում է մագիստրատուրայի ուսանողների՝ մանկավարժական գործունեություն իրականացնելու կարողությունների զարգացման նպատակով,

6) գիտահետազոտական պրակտիկան կազմակերպվում է անհատական կարգով և բխում է մագիստրոսական թեզի պահանջներից ու բովանդակությունից, անհատական հետազոտական աշխատանքի պլանից:

IV. ՊՐԱԿՏԻԿԱՅԻ ԿԱԶՄԱԿԵՐՊՈՒՄԸ

10. Համալսարանի առկա և հեռակա ուսուցման ֆակուլտետների բակալավրիատի բոլոր մասնագիտությունների ուսանողների ուսումնական, արտադրական և մանկավարժական պրակտիկաները, ինչպես նաև մագիստրատուրայի ուսանողների գիտամանկավարժական և գիտահետազոտական պրակտիկաները կազմակերպում և վերահսկում է համալսարանի ակադեմիական քաղաքականության բաժինը՝ դեկանատների հետ միասին:

11. Պրակտիկայի կազմակերպման գործընթացին մասնակցում են ամբիոնները, որոնց կողմից նախապես մշակվում և հաստատվում են պրակտիկայի ծրագրերն ու պլանները:
12. Պրակտիկայի տեսակները, տևողությունը և ժամկետները որոշվում են համապատասխան ուսումնական պլաններով՝ ըստ մասնագիտությունների:
13. Պրակտիկաները կազմակերպվում և անցկացվում են մասնագիտական ուղղվածությամբ կազմակերպություններում, ձեռնարկություններում՝ նախապես կնքված երկկողմանի պայմանագրերի հիման վրա:
14. Այլ վայրում պրակտիկայի կազմակերպումն իրականացվում է համապատասխան ֆակուլտետի ղեկանին ուղղված ուսանողի դիմումի հիման վրա՝ ընդունող հաստատության ղեկավարի համաձայնությամբ:
15. Պրակտիկան սկսելուց առաջ կազմակերպվում է տեղեկատվական հանդիպում ուսանողների և պրակտիկայի պատասխանատուների մասնակցությամբ՝ պարզաբանելու պրակտիկայի նպատակները, խնդիրները, անցկացման կարգն ու ժամկետները, օրագրերի լրացման կարգը, պրակտիկանտ ուսանողների իրավունքներն ու պարտականությունները:
16. Տվյալ մասնագիտությամբ աշխատող կամ համապատասխան աշխատանքային փորձ ունեցող ուսանողների համար նախաավարտական պրակտիկան ևս պարտադիր է:

V. ՊՐԱԿՏԻԿԱ ԱՆՑՆՈՂ ՈՒՍԱՆՈՂԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

17. Պրակտիկա անցնող ուսանողի իրավունքներն են՝
 - 1) ծանոթանալ պրակտիկայի անցկացման կարգին և ներկայացվող պահանջներին,
 - 2) ծանոթանալ պրակտիկայի ընթացքում հաստատության աշխատանքային պլաններին, պայմաններին ու հնարավորություններին, կազմել անհատական աշխատանքային պլան,
 - 3) մասնակցել հաստատության կազմակերպած միջոցառումներին, հանդես բերել նախաձեռնություն և ստեղծագործական մոտեցում,
 - 4) ինքնուրույն ընտրել աշխատանքի թեման, տեսակները և ձևերը:
18. Ուսանողը պրակտիկայի ընթացքում պարտավոր է՝
 - 1) կատարել պրակտիկայի ծրագրով նախատեսված բոլոր աշխատանքները,
 - 2) ենթարկվել պրակտիկան իրականացնող հաստատության աշխատանքային, անվտանգային, էթիկայի կանոններին, ներքին կանոնակարգերին,
 - 3) պրակտիկայի օրագրում կատարել համառոտ գրառումներ պրակտիկայի անցկացման ընթացքի վերաբերյալ, յուրաքանչյուր գրառում ամրագրել համապատասխան ամսաթվով և ապահովել գրառումների հաստատումը ղեկավարի կողմից՝ ստորագրությամբ,
 - 4) Պրակտիկայի ավարտից հետո օրագիրը ներկայացնել համապատասխան ամբիոն և պաշտպանել պրակտիկայի արդյունքները:

**VI. ՊՐԱԿՏԻԿԱՅԻ ՄԱՍՆԱԿԻՑ ԿՈՂՄԵՐԻ ԻՐԱՎՈՒՆՔՆԵՐԸ ԵՎ
ՊԱՐՏԱԿԱՆՈՒԹՅՈՒՆՆԵՐԸ**

19. Համալսարանի ակադեմիական քաղաքականության բաժինը համակարգում է պրակտիկայի կազմակերպչական և ընթացիկ աշխատանքները՝ ապահովելով կապ դեկանատների, ամբիոնների, ուսանողների և ընդունող կազմակերպությունների միջև:

20. Ակադեմիական քաղաքականության բաժինը

- 1) ամբիոնների հետ կազմակերպում է մեթոդական խորհրդատվություն պրակտիկայի անցկացման վերաբերյալ,
- 2) ուսանողներին ապահովում է համապատասխան օրագրերի նմուշ օրինակներով,
- 3) դեկանատներին տրամադրում է համալսարանի հետ պրակտիկայի անցկացման վերաբերյալ պայմանագրեր կնքած կազմակերպությունների ցանկը,
- 4) վերահսկում է պրակտիկայի մեթոդական ապահովումը,
- 5) իրականացնում է պրակտիկայի պաշտպանության գործընթացի վերահսկողություն:

21. Համալսարանի համապատասխան ամբիոնը քննարկում և ներկայացնում է պրակտիկայի ղեկավարի (պատասխանատուի) թեկնածությունը, որը հաստատվում է ռեկտորի հրամանով:

22. Ղեկավարի համար պրակտիկան կազմում է ակադեմիական ծանրաբեռնվածության մաս:

23. Պրակտիկայի ղեկավարն իրականացնում է հետևյալ գործառույթները՝

- 1) իրականացնում է պրակտիկայի ընդհանուր ղեկավարումը,
- 2) վերահսկում է ուսանողի կողմից պրակտիկա անցնելու գործընթացը և տրամադրում մեթոդական օգնություն,
- 3) ուսանողների հետ անցկացնում է նախնական խորհրդատվություն և պարզաբանում պրակտիկայի նպատակները, տալիս է տեղեկատվություն դրա անցկացման ժամկետների, առանձնահատկությունների, ուսանողների պարտականությունների և ընթացիկ ու վերջնական հաշվետվությունների ձևերի մասին,
- 4) պրակտիկայի ավարտից հետո ամբիոն է ներկայացնում հաշվետվություն պրակտիկայի կազմակերպման և անցկացման արդյունավետության, ծագած խնդիրների վերաբերյալ, ինչպես նաև առաջարկներ գործընթացի բարելավման ուղղությամբ (Հավելված 1):

24. Ընդունող հաստատություններում նշանակվում են պրակտիկայի ղեկավարներ՝ ստորաբաժանումների ղեկավարներից կամ փորձառու աշխատակիցներից, ովքեր ուսանողներին ծանոթացնում են հաստատության ներքին աշխատանքային կանոնակարգերին, պրակտիկայի անցկացման կարգին:

25. Պրակտիկայի ավարտին համալսարանի և հաստատության կողմից նշանակված ղեկավարները ստորագրում են օրագիրը և վավերացնում այն:

VII. ՊՐԱԿՏԻԿԱՅԻ ԳՆԱՀԱՏՈՒՄԸ

26. Պրակտիկայի գնահատումն իրականացվում է պրակտիկայի ընթացքում ուսանողի կողմից ձեռքբերված գիտելիքների, կարողությունների և հմտությունների ստուգմամբ՝ «Գավառի պետական համալսարանի առկա ուսուցման համակարգում բակալավրի և մագիստրոսի կրթական աստիճաններում կրեդիտային համակարգով ուսումնական գործընթացի կազմակերպման և ուսանողների գիտելիքների գնահատման» կարգի 5-րդ և «Գավառի պետական համալսարանի հեռակա ուսուցման համակարգում բակալավրի կրթական աստիճանում կրեդիտային համակարգով ուսումնական գործընթացի կազմակերպման և ուսանողների գիտելիքների գնահատման կարգի» 24-րդ կետերին համապատասխան:

27. Պրակտիկաների գնահատման համար հիմք են հանդիսանում ուսանողի մասնակցությունը պրակտիկային, կազմած օրագիրը, հաշվետվության որակը և բովանդակությունը, ինչպես նաև պրակտիկայի արդյունքների պաշտպանության որակը, պրակտիկայի ընթացքում նրա ցուցաբերած ինքնուրույնությունը և ակտիվությունը:

28. Պրակտիկաները գնահատվում են ստուգարքով կամ քննությամբ: Ստուգարքի կամ քննության արդյունքներն անցկացվում են տեղեկագրի և ուսանողի ստուգման գրքույկի մեջ:

29. Յուրաքանչյուր կիսամյակի կամ ուսումնական տարվա վերջում համալսարանի որակի ապահովման բաժնի կողմից իրականացվում են պրակտիկաների անցկացման արդյունավետությունից ուսանողների բավարարվածության վերաբերյալ հարցումներ, վերլուծվում են արդյունքները և ներկայացվում համալսարանի գիտական խորհրդի քննարկմանը, որից հետո հանձնարարվում է համապատասխան կրթական ծրագրի ղեկավարին ու դեկանին՝ ներկայացնել գործընթացի բարելավման գործողությունների պլաններ (Հավելված 2):

30. Ուսանողը պրակտիկան «չստուգված» կամ «անբավարար» ստանալու կամ չմասնակցելու դեպքում, բացի նախաավարտական պրակտիկայից, իրավունք ունի դիմել ֆակուլտետի դեկանին պրակտիկան կրկին անցնելու թույլատվության համար՝ առանց ուսումնական պարապմունքներից կտրվելու, և վճարում է գումար սահմանված կրեդիտների արժեքի չափով:

31. Նախաավարտական, գիտամանկավարժական և գիտահետազոտական պրակտիկաներ չանցած ուսանողները հեռացվում են համալսարանից՝ ուսանողական իրավունքները վերականգնելու և պրակտիկան կրկին անցնելու հնարավորությամբ:

ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆ

Ուսանողների պրակտիկայի ղեկավարի հաշվետվության ձևաթերթ

Ֆակուլտետը _____

Կրթական աստիճանը _____

Մասնագիտությունը _____

Կուրսը _____

Պրակտիկայի տեսակը և անցկացման ժամանակահատվածը _____

Պրակտիկայի անցկացման վայրը, կազմակերպության անվանումը _____

1. Պրակտիկայի ընթացքում ուսանողների կողմից կատարված աշխատանքի բովանդակությունը

2. Պրակտիկայի ընթացքում ուսանողների կատարած աշխատանքի նկարագրությունը և արդյունքների վերլուծությունը

3. Ինչպիսի՞ գործնական գիտելիքներ են ձեռք բերել ուսանողները պրակտիկայի ընթացքում

4. Ինչպիսի՞ կարողություններ և հմտություններ են ձեռք բերել ուսանողները պրակտիկայի ընթացքում

5. Ինչպիսի՞ բացթողումներ և թերություններ են արձանագրվել պրակտիկայի ընթացքում ուսանողների կատարած աշխատանքում

6. Ի՞նչ դիտողություններ և առաջարկություններ են եղել կազմակերպության կողմից

7. Առաջարկություններ պրակտիկայի ծրագրի բարելավման, տևողության վերանայման, անցկացման ընթացքի վերաբերյալ

Պրակտիկայի ղեկավար՝ _____

(Անուն, ազգանուն, ստորագրություն)

(ամսաթիվ, ամիս, տարեթիվ)

Ուսումնական, մանկավարժական, արտադրական, գիտամանկավարժական, գիտահետազոտական, նախաավարտական, պրակտիկաների կազմակերպման ընթացքից և արդյունավետությունից Գավառի պետական համալսարանի ուսանողների բավարարվածության գնահատման հարցաթերթ

Հարգելի՛ ուսանող, սույն հարցման նպատակն է գնահատել Գավառի պետական համալսարանի (այսուհետ՝ ԳՊՀ, Համալսարան) կողմից կազմակերպվող նախաավարտական, մանկավարժական, արտադրական պրակտիկաների կազմակերպման ընթացքի որակը և արդյունավետությունը:

Հետազոտությունն անանուն է, և ստացված տվյալները կօգտագործվեն ընդհանրացված ձևով՝ գործընթացի որակը բարելավելու նպատակով, ուստի խնդրում ենք գնահատել օբյեկտիվորեն:

1. Ընդհանուր տեղեկություններ

- 1.1. Ֆակուլտետը՝
- 1.2. Կրթական աստիճանը՝ բակալավրիատ/մագիստրատուրա
- 1.3. Մասնագիտությունը՝
- 1.4. Կուրսը՝

1.2. Ընտրել պրակտիկայի տեսակը.

- Մանկավարժական
- Ուսումնական
- Արտադրական
- Գիտամանկավարժական
- Գիտահետազոտական
- Նախաավարտական

2. Ո՞ր կազմակերպությունում եք անցկացրել Ձեր պրակտիկան

Նշել կազմակերպության իրավական ձևը.

- Մասնավոր
- Պետական

3. Խնդրում ենք ստորև ներկայացված հարցադրումները գնահատել 1-5 միավորանոց համակարգով, որտեղ 5-ը բավարարվածության ամենաբարձր աստիճանն է, 1-ը՝ ամենացածր:

4.1. Պրակտիկայի նպատակը հստակ էր ինձ համար

1	2	3	4	5
---	---	---	---	---

4.2. Պրակտիկան օգտակար էր տեսական գիտելիքները կատարելագործելու առումով

1	2	3	4	5
---	---	---	---	---

4.3. Պրակտիկան օգտակար էր գործնական կարողությունների և հմտությունների զարգացման առումով

1	2	3	4	5
---	---	---	---	---

4.4. Պրակտիկան կազմակերպված էր պատշաճ կերպով

1	2	3	4	5
---	---	---	---	---

4.5. Պրակտիկայի տևողությունը բավարար էր առաջադրված նպատակներին հասնելու համար

1	2	3	4	5
---	---	---	---	---

4. Որքանով էր արդյունավետ պրակտիկան

5.1. Պրակտիկան շատ արդյունավետ էր

1	2	3	4	5
---	---	---	---	---

5.2. Պրակտիկայի անցկացման ընթացքը վերահսկվում էր ամբիոնի կողմից

1	2	3	4	5
---	---	---	---	---

5.3. Գործատուները պատասխանատու կերպով էին վերաբերում պրակտիկայի կազմակերպման գործընթացին

1	2	3	4	5
---	---	---	---	---

5. Խնդրում ենք ներկայացրեք Ձեր առաջարկությունները, նկատառումները, պրակտիկայի կազմակերպման և անցկացման գործընթացը բարելավելու համար

Շնորհակալություն
(ամսաթիվ, ամիս, տարեթիվ)
